

Mostar, 24.02.2010. godine
Broj: 07-02-1592-07/25/09
07-02-1593-07/26/09

Na osnovu člana 14. i člana 15. Zakona o električnoj energiji („Službene novine Federacije BiH“ broj 41/02, 24/05, 38/05, 61/09), člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), te člana 31. stava (2), člana 52. i člana 53. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), te člana 44. stava (1) tačka a) Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i člana 9, člana 52. stava (1) i člana 55. stava (2) Pravilnika za tarifnu metodologiju i tarifne postupke („Službene novine Federacije BiH“ broj 45/05), Regulatorna komisija za električnu energiju u Federaciji Bosne i Hercegovine-FERK je, u nastavku II redovne sjednice održane u Mostaru dana 24.02.2010. godine, donijela

O D L U K U

o provođenju trećeg tarifnog postupka

Član 1.

Utvrđuje se da je započeo treći tarifni postupak po zahtjevima podnesenim od strane podnosioca zahtjeva Javnog preduzeća „Elektroprivreda Hrvatske zajednice Herceg Bosne“ dioničko društvo Mostar i to: po Zahtjevu za odobrenje tarifa za djelatnost proizvodnje električne energije primljenim pod brojem 07-02-1592/25/09 i po Zahtjevu za odobrenje tarifa za djelatnost distribucije električne energije primljenim pod brojem 07-02-1593/26/09, svi podneseni dana 23.12.2009. godine.

Član 2.

Ovom odlukom utvrđuje se da su započeli postupci formalnih rasprava u trećem tarifnom postupku po zahtjevima iz člana 1. ove odluke.

Član 3.

FERK planira postupke formalnih rasprava provesti u rokovima u skladu sa Pravilnikom o javnim raspravama i rješavanju zahtjeva i žalbi FERK-a, a prema planu aktivnosti na provođenju postupaka formalnih rasprava koji plan će FERK utvrditi posebnom odlukom, vodeći računa o rokovima za donošenje konačne odluke u trećem tarifnom postupku.

Član 4.

Ova odluka stupa na snagu danom donošenja, te se objavljuje na web stranici i oglasnoj tabli FERK-a, a dispozitiv ove odluke u „Službenim novinama Federacije BiH“.

O b r a z l o ž e n j e

Članom 52. stavom (1) Pravilnika za tarifnu metodologiju i tarifne postupke propisano je da se tarifni postupak pokreće podnošenjem zahtjeva FERK-u od regulisanog elektroprivrednog društva ili na inicijativu FERK-a. Članom 55. stavom (2) istog Pravilnika je propisano da FERK može voditi opštu, formalnu i tehničku raspravu, a zadržava diskreciono pravo u određivanju vrste rasprave, te da su vrste javnih rasprava definisane Poslovníkom o radu FERK-a i drugim pravilima FERK-a.

Na osnovu člana 52. stava (1) Pravilnika za tarifnu metodologiju i tarifne postupke, a u skladu sa Odlukom o određivanju bazne godine kod pokretanja tarifnih postupaka („Službene novine Federacije BiH“ broj 70/06), FERK je 23.12.2009. godine, primio od JP „Elektroprivreda HZ HB“ d.d. Mostar, Zahtjev za odobrenje tarifa za djelatnost proizvodnje električne energije upisan pod brojem 07-02-1592/25/09 i Zahtjev za odobrenje tarifa za djelatnost distribucije električne energije upisan pod brojem 07-02-1593/26/09. Prilikom pregleda kompletnosti primljenih zahtjeva utvrđeno je da isti ne sadrže sve potrebne podatke i dokumente propisane Pravilnikom za tarifnu metodologiju i tarifne postupke.

Na osnovu navedenog, FERK je podnosiocu zahtjeva uputio Obavještenje o nedostacima podnesenih Zahtjeva za odobrenje tarifa u djelatnostima proizvodnje i distribucije električne energije broj 07-02-1592-02/25/09 i 07-02-1593-02/26/09 od 22.01.2010. godine, kojima je tražio od podnosioca zahtjeva da zahtjeve dopuni potrebnim podacima i dokumentima, u roku od osam dana od dana prijema tog Obavještenja.

Povodom navedenog Obavještenja o nedostacima podnesenih zahtjeva, FERK je od podnosioca zahtjeva dana 01.02.2010. godine primio pod brojevima 07-02-1592-03/25/09 i 07-02-1593-03/26/09 dio tražene dokumentacije i podataka. Podnosilac zahtjeva je dio tražene dokumentacije i podataka dostavio i naknadno uz Dopis primljen pod brojevima 07-02-1592-04/25/09 i 07-02-1593-04/26/09 od 08.02.2010. godine, te Dopis primljen pod brojevima 07-02-1592-06/25/09 i 07-02-1593-06/26/09 od 12.02.2010. godine.

Dana 23.12.2009. godine, JP „Elektroprivreda HZ HB“ d.d. Mostar je dostavilo FERK-u prijedlog Tarifnih stavova za prodaju električne energije tarifnim kupcima s datumom primjene od 01.01.2010. godine.

Članom 44. stavom (1) tačka a) Pravilnika o javnim raspravama i rješavanju zahtjeva i žalbi FERK-a propisano je, između ostalog, da postupak formalne rasprave započinje podnošenjem tarifnog zahtjeva od regulisanog preduzeća, koji je kompletan i u skladu sa zahtjevima FERK-a.

Na osnovu navedenog, te u skladu sa članom 9. Pravilnika za tarifnu metodologiju i tarifne postupke, FERK će započeti treći tarifni postupak na osnovu podataka koje je dostavio podnosilac zahtjeva, a na dostavljanju sve tražene a nedostajuće dokumentacije, podataka i informacija, FERK će insistirati tokom tarifnog postupka, te može zahtjevati od podnosioca zahtjeva dostavljanje procjene istih, s tim da FERK zadržava i pravo vlastite procjene istih, a sve u skladu sa Pravilnikom za tarifnu metodologiju i tarifne postupke.

Na osnovu navedenog odlučeno je kao u dispozitivu odluke.

PREDSJEDNIK FERK-a
Zdenko Šimunović s.r.